



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

9. Idcirco bellum esse grauissimam pœnam, quia plurimos imparatos subita morte tollit.

urn:nbn:de:hbz:466:1-45701

cum hominibus & jumentis delectantur. Quamobrem, cùm gra-
uissimè olim Dei populo suo voluit minitari, hostes illi est mi-
natus. Et nunc ostendam vobis. quid ego faciam vinea mea: auferane
Ila. 5. 5.
sepem eius, & erit in direptionem: diruam maceriam eius, & erit ini-
conculcationem, &c. Propterea captiuus ductus est populus mens, quia
non habuit scientiam, & nobiles eius interierunt fame, & multitudo eius
siti exaruit. Propterea dilatauit infernus animam suam, & aperuit os
suum absq; ullo termino; & descendunt fortis eius, & populus eius, &
sublimes gloriosig; eius ad eum, &c. Et elevabit signum in nationibus
procul, & sibilabit ad eum de finibus terra: & ecce festinus velociter
veniet. Non est deficiens, neq; laborans in eo, non dormitabit, nequo
dormiet, neq; soluetur cingulum renum eius, nec rumpetur corrigia
calceamenti eius. Sagittæ eius acuta, & omnes arcus eius extenti. Vn-
gula equorum eius, ut filex, & rota eius quasi impetus tempestatis.

Hostes itaque & sauiores sunt peste; & plures sæpe, immò
nonnumquam vna hora (dum vrbibus captis omnes dant inter-
necioni, aut in prælio totos interitunt exercitus) imparatos
mactant, & ad Tartara mittunt. Quàm multi enim milites vno
vulnere sagittæ, hastæ, plumbeæ glandis intereunt? quàm multi
ruina murorū, aut pyrij pulueris inflammatione, vel opprimun-
tur, vel in sublime feruntur, & se antè mortuos esse, quàm mori,
experiuntur? Quòd si ergo S. Hieronymus obseruauit, etiam
S. Hieronymus
sanctos viros morte terrori, propter incertum judicij, & ignorationem
lib. tij. in Ila.
sententia Dei, quam sedem habituri sint; quantò magis metuenda
erit mors, & mors subita, quæ poenitentia tempus incidit, ijs, qui
non sanctè viuunt, qui pleni furtis, rapinis, ebrietatibus, cædibus
injustis, adulterijs & fornicatione, nihil minus quàm de salute
sua possunt cogitare? Id, ob quod maximè pestilentia formida-
tur, est, quòd tam citò hominem expeditat; & frequenter corre-
ptos à mente abalienet, ut non possint amplius rebus suis consu-
lere, peccata confiteri, & sacri viatici participes esse. Et tamen
rarissimè tam atra pestis aërem tener, vt homines eodem mo-
mento è medio tollat, quo aggressa est. Tantò igitur, etiam
hoc nomine, perniciosius est bellum peste, quia plerumque minus
spatij ad poenitentiam agendum hominibus concedit. Nihil
enim frequentius est armis bellicis, quàm vt simul tangant, &

IX.

116 Cap. XII. Quid sit morbus, & quam magnum malum? occidant. Quare etiam hac ipsa de causa minus malum est peste, quam hoste plecti. Enim uero longa experientia docuit, homines, tempore pestis, longè, quam in bellis, fieri meliores; dum, in communi omnium periculo, quisque sibi cauet, seque ad moriendum accingit, lue grassante; at in militia, ipsa viuendi licentia homines mortis immemores reddit; quos tamen maximè de vita non securos, & de morte sollicitos esse deceret. Mori plane timeat, ait S. Cyprianus, sed qui ex aqua & spiritu non renatus gehenna ignibus mancipatur: mori timeat, qui non Christi cruce & passione censetur: mori timeat, qui ad secundam mortem de hac morte transibit: mori timeat, quem de seculo recedentem perennibus paeniternis flammis torquerebunt: mori timeat, cui hoc mora longiore conferatur, ut cruciatus eius & gemitus interim differatur. Mortalitas ista ut Indis & gentibus, & Christi hostibus pestis est, ita Dei seruis salutaris excessus est. Quin & verè poenitentes, quia agnoscunt, se vita indignos, se libenter, tamquam victimam, morti offerunt. Qua de causa etiam David non elegit bellum, è quo euadere potuisset; non famem, quam quiuisset evitare; sed pestem, cui ipse obnoxius esset. Quin tum, quando vidit Angelum cædente populum, dixit ad Dominum. Ego sum, qui peccavi, ego inique egī: isti, qui oues sunt, quid fecerunt? Vertatur, obsecro, manus tua contra me, & contra domum patris mei. Hic est finis plagarum Domini, poenitentia nostra; ut reges ipsi Principesque luant, quod peccaverunt; non ut populum dumtaxat, pro se finant vel in bello mactari, vel in pace famere, vel in peste mori; vel soli soluant, quod debent; vel simul diluant, si simul peccauerunt.

^{2. Reg. 24. 17.}

I.

Multa sunt, quæ vitam humanam miseram faciunt, inundationes, incendia, deprædationes, sterilitates, persecutio[n]es, & mille clades; sed nihil ita propè sentimus, ut ea, quæ corpus affligunt, qualia sunt famæ, vulnera, membrorum truncationes, & morborum cruciatus.

Nam,

C A P V T XII.

Quid? & quam magnum? & quam multiplex sit malum morbus?